

## REGLUR

33

15. mæz

### fyrir félagsheimili Hjaltastaðahrepps í Norður-Múlasýslu.

#### 1. gr.

Nafn félagsheimilisins er Hjaltalundur. Lóðin er leigulóð, leigð af jarðeigna-  
deild ríkisins, samkv. leigusamningi staðfestum af dóms- og kirkjumálaráðuneytinu  
31. ág. 1945. Lóðarstærðin er 21 ha. Lóðamörk eru samkv. leigusamningi.

Eigendur félagsheimilisins eru þessir:

Hjaltastaðahreppur að  $\frac{3}{8}$  hlutum, Ungmennafélagið Fram að  $\frac{3}{8}$  hlutum og  
Kvenfélagið Björk að  $\frac{1}{8}$  hlutum.

#### 2. gr.

Húsnefnd kjörin árlega stjórnar félagsheimilinu. Hún er þannig skipuð, að  
stjórn hvers félags, sem er meðeigandi í félagsheimilinu, kýs einn mann í nefndina.  
Varamenn skulu kosnir á sama hátt. Húsnefnd skiptir sjálf með sér verkum. Hún  
skal halda nákvæma gerðabók um störf sín. Ef félagsheimilið hættir störfum, skal  
afhenda gerðabækurnar héraðsbókasafni Austurlands, ef stofnað verður, annars  
þjóðskjalasafninu, til vörzlu.

#### 3. gr.

Húsnefnd heldur fund er þurfa þykir. Skylt er henni að halda fund ef einn  
nefndarmanna æskir þess.

Aðalfundur eigenda félagsheimilisins skal vera ár hvert. Skulu þangað kvaddir,  
með hæfilegum fyrirvara, stjórnendur allra þeirra félaga, sem eru eigendur félags-  
heimilisins. Á fundinum skal húsnefnd leggja fram rekstrar- og efnahagsreikning  
félagsheimilisins, endurskoðaðan af endurskoðendum sveitarsjóðsreikninga eða  
löggiltum endurskoðanda. Einnig leggur hún fyrir fundinn fjárhagsáætlun fyrir  
félagsheimilið á yfirstandandi ári.

Fjárhagsáætlunin skal gerð svo nákvæm sem unnt er. Eigi má efna til verulegra  
útgjalda nema samþykkt hafi verið á aðalfundi eða aukafundi sömu aðila og sæti  
eiga á aðalfundi. Gildir þetta jafnt um rekstrargjöld og stofnókostnað. Reikninga  
og fjárhagsáætlun skal bera undir atkvæði fundarmanna. Atkvæðisrétt á aðalfundi  
hafa 3 menn frá hverjum eignaraðila félagsheimilisins, þó ekki húsnefndarmenn.

Félagsstjórnir skýra frá því á aðalfundi hvern þær hafa valið í húsnefnd af  
sinni hálfu næsta ár.

Afrit af ársreikningum félagsheimilisins skal senda félagsheimilásjóði.

Félagsheimilið skal reka sem sjálfstæða stofnun með sérstöku reikningshaldi.  
Almanaksárið skal vera reikningsár þess.

#### 4. gr.

Aðalverkefni húsnefndar er:

- a. Að ráða húsörð, sé þess þörf að dómi aðalfundar, setja honum starfsreglur  
og sjá um, að þeim sé fylgt.
- b. Að ráða annað starfsfólk ef aðalfundur telur það nauðsynlegt. Leita skal um-  
sagnar húsvardar um ráðningu starfsfólks, sem á að vinna undir hans stjórn.
- c. Að ráðstafa félagsheimilinu til afnota fyrir eigendur og aðra.
- d. Að ákveða gjöld fyrir afnot hússins.
- e. Að annast kaup nauðsynlegra tækja og áhalda.
- f. Að sjá um viðhald og endurbætur húseignar, húsbúnaðar og áhalda.

33  
15. marz

- g. Að sjá um ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni.  
h. Að sjá um að húsið sé hæfilega hitað og lýst.  
i. Að sjá um að löggæzla sé á samkomum, ef þess er þörf.

5. gr.

Eigendur félagsheimilisins skulu eins og aðrir greiða leigu fyrir afnot hússins. Skytt er þeim að heimila félögum, sem greinir í 1. gr. laga nr. 77 1947 um félagsheimili svo og breytingum á þeim lögum frá 29. maí 1957, innan sama byggð-arlags, afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um, hvort slíkt félag eigi rétt á afnotum af félagsheimilinu, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins, skal ákveðin svo há, að nægilegt fé fái, til þess að inna af höndum nauðsynleg gjöld, ef stofnuninni koma ekki aðrar tekjur.

7. gr.

Þess skal gætt, að húseignir, áhöld, húsbúnaður allur og fatnaður sé jafnan hæfilega váttryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða ekki við, þegar samkomu líkur, skal gæzlumaður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

9. gr.

Að lokinni hverri notkun félagsheimilisins skal húsvörður eða húsnefnd sjá um ræstingu þess, þ. á m. að gólf séu þvegin úr sápuvatni, salerni hreinsuð vandlega með sótthreinsandi efni, fatageymslur og búningsherbergi ræst.

Árlega skal fram fara gagngerð ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðin skal vera girt traustri, gripheldri girðingu, er haldið sé vel við. Hesthús og bifreiðarstæði skal vera í námunda við félagsheimilið.

11. gr.

Fánastöng skal komið fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúra skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að notaður sé fáni með réttum litum og hlutföllum.

12. gr.

Árlega skal athuga húseignina alla vandlega með viðgerð fyrir augum. Einkum skal athuga múrhúðun, þak, þakrennur, niðurföll, hurðir, dyrumbúnaði, glugga (utan og innan), málningu, gólfduka, klæðningu á veggjum, hreinlætistæki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

## 13. gr.

33

Skemmdir á húseigninni, áhöldum og húsbúnaði umfram eðlilegt slit, skulu þeir bæta, sem skemmdum valda. 15. marz

## 14. gr.

Á opinberum samkomum, sem haldnar eru í félagsheimilinu, má hvorki veita áfengi né neyta þess, Húsnefnd getur svipt þá, sem gegn þessu brjóta aðgangi að félagsheimilinu um tiltekin tíma.

## 15. gr.

Reglur þessar, sem settar eru með skirskotun til 8. gr. laga nr. 77 5. júní 1947, um félagsheimili, öðlast gildi þegar þær hafa verið samþykktar af stjórn félagsheimilisins og þegar menntamálaráðuneytið hefur staðfest þær.

Framanritaðar reglur staðfestast hér með.

*Í menntamálaráðuneytinu, 15. marz 1960.*

F. h. r.

**Birgir Thorlacius.**

*Ásgeir Pétursson.*

## AUGLÝSING

34

## um viðauka og breytingar á lyfsöluskrá II.

29. marz

Frá og með 30. marz 1960 ganga í gildi viðaukar og breytingar útgefnar í dag á lyfsöluskrá II frá 10. desember 1958.

*Heilbrigðismálaráðuneytið, 29. marz 1960.*

**Ingólfur Jónsson.**

*Baldur Möller.*

## AUGLÝSING

35

um staðfestingu dómsmálaráðuneytisins á samþykkt um breytingu á lögreglu-samþykkt fyrir Vestmannaeyjakaupstað frá 31. marz 1928, sbr. auglýsingu frá 15. janúar 1951. 29. marz

## 1. gr.

2. málslíður 1. mgr. 20. gr. í lögreglusamþykkt fyrir Vestmannaeyjakaupstað frá 31. marz 1928 orðist svo:

Unglingum innan 16 ára er óheimill aðgangur að almennum knattborðsstofum, dansstofum og öldrykkjustöðum. Þeim er óheimill aðgangur að almennum veitingastofum, ís-, sælgætis- og tóbaksbúðum eftir kl. 20.00, nema í fylgd með full-orðnum, sem ber ábyrgð á þeim. Öll afgreiðsla um söluop til barna, eftir að úti-vistartíma þeirra er lokið, er óheimil. Eigendum og umsjónarmönnum þessara stofnana ber að sjá um, að unglingarnir fái þar ekki aðgang né hafist þar við, fram yfir það, sem leyfilegt er.